


DEN SKINA CAYENTE

Fotos y Texto: Jan Poets

EXCLUSIVO FOR DI KERKRADE, HULANDA..

FIFA WORLD YOUTH CHAMPIONSHIP NETHERLANDS 2005...

** Cu gran cooperacion di Lotto Pa Deporte, DEN SKINA CAYENTE ta presente aki na Hulanda pa cubri e grandioso "Fifa World Youth Championship Netherlands 2005". Meta di esaki ta pa specialmente cubri e presentacion di e joven yiu di famia Arubano, Hedwigis Maduro, kende a ricibi e honor pa fungi como capitan di e seleccion juvenil Hulandes. Durante e seccion di trainingnan di e equipo Hulandes, e posibilidadnan ta grandi cu Poets TV lo bai realiza un entrevista exclusivo cu Hedwigis Maduro, cual ta un inmenso deseo di e pueblo Arubano. Pues keda pendiente pa un reportahe special di e gran yiu di famia Arubano aki, kende ta un di e prospectonan mas prometededor pa futbol Hulandes...



** Hedwigis Maduro como capitan di e equipo juvenil Hulandes, prome cu e wega contra Japon, ta ricibi instruccion for di asistente tecnico di seleccion, Aaron Winter, ex estrea futbolista di Ajax y seleccion nacional di Hulanda..



** Hedwigis Maduro como capitan di e equipo juvenil Hulandes, prome cu e wega contra Japon, ta ricibi instruccion for di asistente tecnico di seleccion, Aaron Winter, ex estrea futbolista di Ajax y seleccion nacional di Hulanda..




** Durante un entrevista cu Poets Show a realiza cu Minister Ella Yarzagaraay, atravez di Top 95 fm despues di e wega cu Hulanda a gana Japon, Staatssecretaris di Deporte di Hulanda, sra. Clemmens Vorst, a expresa su satisfaccion pa e prome triunfo di Hulanda y tambe pa e tremendo presentacion di e joven yiu di famia Arubano Hedwigis Maduro...



** Minister Plenipotenciario Ella Yarzagaraay-Tromp acompaña pa su esposo Leo Yarzagaraay, Shono Maduro director di Arubahuis, Maikito Croes y Mirtha Oduber funcionarianan di Arubahuis y Hubert Kock director di Lotto Aruba tabata presente como invitadonan di honor pa Gemeente di Kerkraade na e gran apertura di Fifa World Youth Championship Netherlands 2005...



** Aki e equipo di Australia ta score e goal di empate contra di e equipo di Benin. Esaki tabata e prome wega di Fifa World Youth Championship Netherlands 2005 cu a ser realiza den The Parkstads Limburg Stadion di e equipo Roda JC cu ta situa na Kerkraade. Despues di e partido aki a tuma lugar e ceremonia di e apertura, pa despues Hulanda a enfrenta Japon, den cual Hulanda a vence Japon cu e score di 2-1. Diaranson proximo Hulanda lo topa cu Australia...



** Leonel Messi, talentoso joven hungador di FC Barcelona...



** Esaki tabata e wega cu USA a sorprende e Argentina cu e score di 1-0. Tabata trata aki di un tremendo partido den cual Argentina a presiona USA henter e wega sin por a marca un goal, mientras cu USA a hunga mas defensivo y den un contra atake a sorprender Argentina cu un goal y a sa di hiba un magistral defensa pa gana e fuerte equipo di Argentina cu e score di 1-0. Palo di goal a salba USA y di otro banda USA a tambe a faya cu un penalty...